

若數下奸人長其惡 上教至當大臣之計恐非時宜傳于政院曰元

帥官等並依臺諫所啓罷之可也招該司言之且古人云赦者小人之  
幸君子之不幸 貞顯王后祔廟時以舊例赦之今春以予平復大臣

言曰不可不赦故又赦之今又以災變疏於則似乎數赦故朝以此咨  
大臣仍以獄訟速決傳旨下于政院曰招刑曹郎官以速決之意言之

○有旨于八道觀察使及留守 其有旨曰近來連遭凶荒民未粒食今  
當農月又值旱乾川澤枯渴苗不發穗

天又示變災害迫切深究厥由豈無所召刑獄之  
中必多留滯予甚憂惕卿其務要速決俾無冤枉 ○南世健為弘文館

直提臺許磁為議政府舍人閔齊仁為世子侍講院弼善 ○彗星暫見

於天地雲間流星出王良星下入奎星下狀如瓶尾長四五尺許色白

乾方坤方異方有氣如火 ○丙午大司憲沈彥光等以本司囚徒公事

啓曰今朝刑獄速決事有傳教 上教至當但此囚徒或以外知部推

之或以強奸推之或以通女胥推之或以事證推之右人等或不爭服

或因疾病以至以滯且物故者已四人如此災變之時心甚未安傳曰

昨日大臣來啓曰刑獄之間恐有冤抑至欲疏放故允獄訟皆令速決

今觀啓意思不可驟決傳教之意恐淹延滯獄而不之省察也隆冬盛

暑受刑之人必易死欲得其情必用刑訊刑訊而致死無足恠也 ○府